

SEDMIČNI PREGLED AKTIVNOSTI SUDA BiH
Odjel I i II
(1. mart 2010. godine – 5. mart 2010. godine)

PONEDJELJAK, 1. mart 2010. godine

Petak, 26. februar 2010. godine^I

- U predmetu **Vlastimir Golijan i dr. (X-KRN-10/893)** Sud je donio rješenje kojim se određuje jednomjesečni pritvor Vlastimiru Golijanu, Zoranu Goronji i Stanku Kojiću, osumnjičenima za krivično djelo genocid. Pritvor prema ovom rješenju može trajati do 25. marta 2010. godine.
- Sud je izvršio kontrolu opravdanosti pritvora u predmetima:
 - **Ante Tomas (X-K-08-566-1)** za optuženog Antu Tomasa;
 - **Đorđe Ždrale (X-K-08/540-1)** za optuženog Đorđa Ždralu;te utvrdio da razlozi za pritvor i dalje postoje. Naredna kontrola opravdanosti pritvora za optuženog Ždralu je 22. aprila 2010., a za optuženog Tomasa 26. aprila 2010. godine.
- Sud je u predmetu **Adis Abaz i dr. (X-KRN-09/727)** donio rješenje kojim se prema osumnjičenom Husniji Mušiću ukida pritvor i određuju mjere zabrane: zabrana napuštanja boravišta; zabrana putovanja i zabrana sastajanja sa osumnjičenim osobama u ovom predmetu. Također, Sud je u istom predmetu izvršio kontrolu opravdanosti mjera zabrane za osumnjičene Adisa Sejdića i Adnana Selimića, koje uključuju: zabranu napuštanja boravišta i zabranu putovanja van BiH, te u tu svrhu privremeno oduzimanje važećih putnih isprava; zabranu izdavanja novih i zabranu korištenja lične karte za prelazak državne granice BiH i napuštanja mjesta boravišta; redovno javljanje u nadležnu PS. Sud je ovom prilikom utvrdio dalju opravdanost mjera. Naredna kontrola je 26. aprila 2010. godine. Husnija Mušić, Adis Sejdić i Adnan Selimić osumnjičeni su za krivično djelo organizirani kriminal u vezi s krivičnim djelom neovlašteni promet opojnim drogama i krivičnim djelom neovlašten promet oružjem i vojnom opremom, te proizvodima dvojne namjene.

Subota, 27. februar 2010. godine^{II}

- Sud je u predmetu **Muhamed Marić i dr. (X-KRN-10/892)** donio rješenje kojim je osumnjičenima Muhamedu Mariću, Nijazu Teletoviću i Omerika Mirsadu određen jednomjesečni pritvor. Prema navedenom rješenju, pritvor za osumnjičene Marića i Teletovića može trajati do 26. marta 2010. godine, a za osumnjičenog Omerika Mirsada do 27. marta 2010. godine. Sud je u istom predmetu donio rješenje kojim se osumnjičenom Nedžad Deliću izriču mjere zabrane koje uključuju: zabranu preduzimanja bilo kakvih poslovnih aktivnosti vezanih za firme „TEF“ d.o.o. Sarajevo i „Granit“ d.d. Jablanica; zabranu kontaktiranja sa osobama koje su osumnjičene u ovom predmetu, potencijalnim saučesnicima, pomagačima i svjedocima, a posebno sa uposlenicima pravnih lica „TEF“ d.o.o. Sarajevo i „Granit“ d.d. Jablanica; obavezno javljanje jednom sedmično u nadležnu policijsku stanicu. Muhamed Marić, Nijaz Teletović, Mirsad Omerika i Nedžad Delić osumnjičeni su za krivično djelo organizirani kriminal u vezi sa krivičnim djelom pranje novca i drugim krivičnim djelima.

Ponedjeljak, 1. mart 2010. godine

Predmet	Sudija/sudeće vijeće	Ročište
Praznik		

UTORAK, 2. mart 2010. godine

- Sud je izvršio kontrolu opravdanosti mjera zabrane u predmetima:
 - **Gani Kovači i dr. (X-K-07/474–1)** za optužene Ganija Kovačija i Musaira Đulića, koje uključuju: zabranu napuštanja mjesta boravišta i zabranu putovanja van BiH, te u tu svrhu privremeno oduzimanje svih važećih pasoša izdatih na imena optuženih; zabranu izdavanja novih pasoša, kao i zabranu korištenja lične karte za prelazak državne granice; zabranu posjećivanja mjesta, lokacija gdje bi optuženi eventualno mogli doći u međusobni kontakt, kao i u kontakt sa osobama kojima su navodno prodavali drogu, kao i sa osobama koje su navodno krijumčarili; redovno javljanje u nadležne PS; zabranu međusobnog sastajanja, kao i sastajanja sa osobama kojima su navodno prodavali opojnu drogu ili koje su navodno krijumčarili;
 - **Fahrudin Čago i dr. (X-KRN-09/706)** za osumnjičenog Safeta Čolakovića, koje uključuju: zabranu napuštanju mjesta boravišta; zabranu korištenja lične karte za prelazak državne granice i oduzimanje svih putnih dokumenata kojima osumnjičeni raspolaže; zabranu kontaktiranja i sastajanja sa osumnjičenim osobama; redovno javljanje u nadležnu PS; te utvrdio dalju opravdanost mjera. Naredna kontrola je 2. maja 2010. godine.
- U predmetu **Ilfad Hodžić i dr. (X-KRN-09/773)** Sud je donio rješenje kojim se Ilfadu Hodžiću, Nedžad Kurtoviću, Zijadu Muratoviću i Džemsudinu Zuliću, osumnjičenima za krivično djelo organizirani kriminal u vezi s krivičnim djelom neovlašten promet opojnim drogama, pritvor produžava za narednih mjesec dana. Prema ovom rješenju pritvor može trajati do 2. aprila 2010.godine.

Predmet	Sudija/sudeće vijeće	Ročište
Odjel II Drago Marić X-K-08/594	<i>Mira Smajlović</i> <i>Zoran Božić</i> <i>Senadin Begtašević</i>	Ročište po prijedlogu Tužilaštva za produženje pritvora
Odjel II Ilfad Hodžić i dr. X-K-09/773	<i>Senadin Begtašević</i> <i>Mira Smajlović</i> <i>Zoran Božić</i>	Ročište po prijedlogu Tužilaštva za produženje pritvora
Odjel II Dragić Gojković i dr. X-KŽ-08/595	<i>Meddžida Kreso</i> <i>Miloš Babić</i> <i>Nedžad Popovac</i>	Sjednica Apelacionog vijeća

SRIJEDA, 3. mart 2010. godine

- Sud je otpremio drugostepenu presudu od 11. februara 2010. godine u predmetu **Sabro Ramić (X-K-08/572-5)** kojom se žalba optuženog Sabre Ramić odbija, a uvažava žalba Tužilaštva BiH, te se prvostepena presuda preinačava u dijelu odluke o krivičnoj sankciji tako da se Sabro Ramić osuđuje na kaznu zatvora u trajanju od pet godina. Sabro Ramić optužen je za krivično djelo organizirani kriminal u vezi s krivičnim djelom neovlašten promet opojnim drogama. Drugostepena presuda dostupna je na: http://www.sudbih.gov.ba/files/docs/presude//Sabro_Ramic_Drugostepena_presuda.pdf
- U predmetu **Zoran Đerić i dr. (X-KŽ-06/282)** Sud je otpremio drugostepenu presudu prema kojoj se kao neosnovana odbija žalba Tužilaštva BiH i presuda Suda od 24. juna 2008. godine potvrđuje u dijelu u kojem se optužba odbija, u odnosu na optužene Zorana Đerića, Pericu Bundala, Rodoljuba Trkulju i Stojka Blagojevića, za krivično djelo zločinačko udruženje kao i u dijelu u kojem se oslobađaju od optužbe optuženi Mladen Ivanić, za krivično djelo zločinačko udruženje, optuženi Mladen Ivanić, Zoran Đerić, Perica Bundalo, Rodoljub Trkulja i Stojko Blagojević, za krivično djelo zloupotreba službenog položaja ili ovlaštenja u podstrekavanju,

optuženi Mladen Ivanić i Perica Bundalo, za krivično djelo davanje dara i drugih oblika koristi, optuženi Zoran Šupeta, Dragiša Dragutinović, Zdenko Sakan, Milorad Marjanović, Mirko Rokvić, Radenko Borojević i Novica Davidović, za krivično djelo zloupotreba službenog položaja ili ovlaštenja. U pogledu optuženog Mire Jurišića prvostepena presuda se preinačava u osuđujućem dijelu te se optuženi Jurišić osuđuje na jedinstvenu kaznu zatvora u trajanju od 4 godine, kao i novčanom kaznom u iznosu od 10.000,00 KM. U pogledu optuženog Mladena Ivanića prvostepena presuda se u osuđujućem dijelu ukida i određuje održavanje pretresa pred Apelacionim vijećem. Drugostepena presuda dostupna je na: http://www.sudbih.gov.ba/files/docs/presude//282_Djeric_Zoran_drugostepena.pdf

Predmet	Sudija/sudeće vijeće	Ročište
Odjel I Radoje Lalović i dr. X-KR-05/59	<i>Minka Kreho</i> <i>Marjan Pogačnik</i> <i>Željka Marenčić</i>	Nastavak glavnog pretresa Saslušana dva svjedoka odbrane
Odjel I Nisvet Gasal i dr. X-KR-07/341	<i>Davorin Jukić</i> <i>Darko Samardžić</i> <i>Patricia Whalen</i>	Nastavak glavnog pretresa Saslušana dva svjedoka odbrane

ČETVRTAK, 4. mart 2010. godine

- Sud je u predmetu **Amir Ibrahimović (X-K-08/591-2)** nakon prihvatanja sporazuma o priznanju krivnje, sklopljenog između optuženog Amira Ibrahimovića i Tužilaštva BiH, izrekao presudu kojom je optuženi Ibrahimović oglašen krivim za teško krivično djelo protiv opšte sigurnosti ljudi i imovine u vezi s krivičnim djelom izazivanje opšte opasnosti. S tim u vezi Sud ga je osudio na kaznu zatvora u trajanju od dvije godine. U istom predmetu Sud je donio rješenje prema kojem se optuženom Ibrahimoviću ukida pritvor i isti pušta na slobodu u skladu sa rješenjem.
- U predmetu **Drago Marić (X-KRN 08/594)** Sud je donio rješenje kojim se osumnjičenom Dragom Mariću pritvor produžava za narednih mjesec dana. Prema ovom rješenju pritvor može trajati do 2. aprila 2010. godine. Drago Marić osumnjičen je za krivično djelo pranje novca.

Predmet	Sudija/sudeće vijeće	Ročište
Odjel I Radoje Lalović i dr. X-KR-05/59	<i>Minka Kreho</i> <i>Marjan Pogačnik</i> <i>Željka Marenčić</i>	Nastavak glavnog pretresa Saslušana tri svjedoka odbrane
Odjel I Željko Ivanović X-KR-06/180-3	<i>Darko Samardžić</i> <i>Davorin Jukić</i> <i>Jasmina Kosović</i>	Nastavak glavnog pretresa Saslušan svjedok Tužilaštva
Odjel I Ante Kovač X-KR-08/489	<i>Tihomir Lukes</i> <i>Hilmo Vučinić</i> <i>Carol Peralta</i>	Sjednica Apelacionog vijeća
Odjel I Miloš Stupar X-KR-05/24-3	<i>Azra Miletić</i> <i>Tihomir Lukes</i> <i>Carol Peralta</i>	Početak glavnog pretresa pred Apelacionim vijećem
Odjel I Saša Zečević i dr. X-KR-09/741	<i>Vesna Jesenković</i> <i>Staniša Gluhajić</i> <i>Hasija Mašović</i>	Nastavak glavnog pretresa Saslušan svjedok Tužilaštva
Odjel I Darko Dolić X-KR-09/783	<i>Jasmina Kosović</i> <i>Davorin Jukić</i> <i>Darko Samardžić</i>	Nastavak glavnog pretresa Saslušana dva svjedoka Tužilaštva
Odjel I Alija Osmić	<i>Staniša Gluhajić</i> <i>Vesna Jesenković</i>	Nastavak glavnog pretresa

X-KR-09/781-1	<i>Šaban Maksumić</i>	
Odjel II Amir Ibrahimović X-K-08/591-2	<i>Šaban Maksumić</i> <i>Vesna Jesenković</i> <i>Staniša Gluhajić</i>	Ročište za razmatranje Sporazuma o priznanju krivnje Izricanje presude
Odjel II Goran Bilić i dr. X-K-07/383	<i>Hasija Mašović</i> <i>Davor Žilić</i> <i>Nenad Šeleda</i>	Nastavak glavnog pretresa Saslušan svjedok Tužilaštva
Odjel II Zoran Bašić X-K-08/596-1	<i>Izo Tankić</i> <i>Branko Perić</i> <i>Nenad Šeleda</i>	Nastavak glavnog pretresa Saslušan svjedok Suda i Tužilaštva

PETAČ, 5. mart 2010. godine

- Sud i Tužilaštvo BiH posjetili su studenti Filozofskog fakulteta u Istočnom Sarajevu, Odjel za psihologiju, koji su se ovim putem željeli upoznati sa radom pravosudnih institucija i ulogom psihologa u Sudu. Studenti su se kroz prezentacije predstavnika Pravnog odjeljenja, Odjeljenja za podršku svjedocima i Odjeljenje za informiranje javnosti Suda BiH upoznali sa strukturom Suda, tehničkim aspektima organizacije suđenja, Zakonom o zaštiti svjedoka i ulogom psihologa u pružanju podrške svjedocima. Predstavnik Tužilaštva BiH je upoznao studente sa istražnim radnjama i ulogom svjedoka u fazi istrage.

Predmet	Sudija/sudeće vijeće	Ročište
Odjel I Ljubo Tomić i dr. X-KR-07/346	<i>Vesna Jesenković</i> <i>Šaban Maksumić</i> <i>Staniša Gluhajić</i>	Završne riječi odbrane
Odjel I Miloš Stupar X-KRŽ-05/24-3	<i>Azra Miletić</i> <i>Tihomir Lukes</i> <i>Carol Peralta</i>	Nastavak glavnog pretresa pred Apelacionim vijećem
Odjel II Almir Šaljić i dr. X-K-08/638	<i>Seno Duradbegović</i> <i>Hasija Mašović</i> <i>Branko Perić</i>	Nastavak glavnog pretresa Saslušan svjedok Tužilaštva
Odjel II Aleksandar Todorović i dr. X-K-08/645	<i>Seno Daudbegović</i> <i>Hasija Mašović</i> <i>Branko Perić</i>	Nastavak glavnog pretresa Saslušan svjedok Tužilaštva
Odjel II Kenan Kurtović X-K-09/701	<i>Goran Radević</i> <i>Mirsad Strika</i> <i>Anđelko Marijanović</i>	Nastavak glavnog pretresa Saslušan svjedok Tužilaštva
Odjel II Emir Terzić X-K-09/691	<i>Nenad Šeleda</i>	Nastavak glavnog pretresa Saslušan vještak odbrane

NOVOSTI NA WEB STRANICI

- Prvostepena presuda u predmetu **Damir Omerbegović (X-K-09/829)**:
http://www.sudbih.gov.ba/files/docs/presude/2010/OMERBEGOVIC_prvostepena_presuda.pdf
- Drugostepena presuda u predmetu **Dragan Đokić (X-KRŽ-09/668)**:
http://www.sudbih.gov.ba/files/docs/presude/2010/Djokic_drugostepena_presuda.pdf

NAJAVA DOGAĐAJA ZA NAREDNU SEDMICU

- U ponedjeljak, 8. marta 2010. godine u predmetu **Vinko Jurić (X-K-08/641-1)** pred Odjelom II za organizirani kriminal, privredni kriminal i korupciju Suda, zakazano je iznošenje završnih riječi Tužilaštva i odbrane, sa početkom u 9:00 sati, u sudnici 3. Optužnica tereti Vinka Jurića za krivično djelo neovlašten promet opojnim drogama i krivično djelo neovlašteno držanje oružja ili eksplozivnih tvari.
- U utorak, 9. marta 2010. godine u predmetu **Hamdo Dacić i dr. (X-K-09/678)** pred Odjelom II za organizirani kriminal, privredni kriminal i korupciju Suda, zakazan je početak glavnog pretresa, sa početkom u 13:00 sati, u sudnici 4. Optužnica tereti Harisa Zornića, Hamdu Dacića i Acika Cana za krivično djelo organizirani kriminal u vezi s krivičnim djelom neovlaštenu promet opojnim drogama, dok su Zornić, Can i pravna osoba "Majorka" d.o.o. Sarajevo optuženi i za krivično djelo pranje novca, a optuženi Can i za krivično djelo iz člana 52. Zakona o nabavljanju, držanju i nošenju oružja i municije Kantona Sarajevo.
- U srijedu, 10. marta 2010. godine u predmetu **Muhamed Rustempašić i dr. (X-K-09/670-1)** pred Odjelom II za organizirani kriminal, privredni kriminal i korupciju Suda, zakazan je početak glavnog pretresa, sa početkom u 9:00 sati, u sudnici 4. Optužnica tereti Rijada Rustempašića, Abdulaha Handžića i Edisa Velića za krivična djela: terorizam, udruživanje radi činjenja krivičnih djela i neovlaštenu promet oružjem i vojnom opremom, te proizvodima dvojne namjene, a optuženog Muhameda Rustempašića za krivična djela: neovlaštenu promet oružjem i vojnom opremom, te proizvodima dvojne upotrebe i udruživanje radi činjenja krivičnih djela.
- U četvrtak, 11. marta 2010. godine u predmetu **Sedinet Karić i dr. (KPŽ-44/05)** pred Apelacionim vijećem Odjela II za organizirani kriminal, privredni kriminal i korupciju Suda, zakazano je iznošenje završnih riječi odbrane, sa početkom u 10:00 sati, u sudnici 4.
- U petak, 12. marta 2010. godine u predmetu **Ljubo Tomić i dr. (X-KR-07/346)** pred Odjelom I za ratne zločine Suda, zakazano je izricanje presude, sa početkom u 11:00 sati, u sudnici 4. Optužnica tereti Ljubu Tomića i Krstu Josića za krivično djelo ratni zločin protiv civilnog stanovništva.

STATISTIKE

ODJELJENJE ZA PODRŠKU SVJEDOCIMA

Odjel	Broj predmeta	Broj svjedoka
Ratni zločini	5	10
Organizirani kriminal, privredni kriminal i korupcija	1	1

Broj održanih ročišta u sudnicama 1-8

50

Broj zahtjeva za izdavanje AV materijala (Odjeljenje za informiranje javnosti)

15

Želite li biti uključeni na popis primalaca najnovijih obavijesti Suda BiH ili izbrisani s njega, molimo vas da pošaljete e-mail na: PIOS@sudbih.gov.ba, www.sudbih.gov.ba

Dežurni telefon +387 61 475 205

¹ U aktuelni sedmični pregled aktivnosti unesene su promjene iz prošle sedmice, koje nisu obuhvaćene prethodnim sedmičnim pregledom.

^{II} U aktuelni sedmični pregled aktivnosti unesene su promjene iz prošle sedmice, koje nisu obuhvaćene prethodnim sedmičnim pregledom.